



MINORITY SHAREHOLDER WATCHDOG GROUP

Badan Pengawas Pemegang Saham Minoriti Berhad

Incorporated in Malaysia * Company No. 524898-M

The Observer

22 April 2016

PERKEMBANGAN TERKINI MAKLUMAT PASARAN DAN KAWAL SELIA

SC PELAWA MAKLUM BALAS ORANG RAMAI TERHADAP DRAF KOD TADBIR URUS KORPORAT MALAYSIA 2016

Suruhanjaya Sekuriti Malaysia (SC) telah mengeluarkan cadangan draf Kod Tadbir Urus Korporat Malaysia 2016 (MCCG 2016) untuk perundingan awam pada 18 April 2016.

Kod Tadbir Urus Korporat Malaysia (Kod) yang pertama telah diperkenalkan pada tahun 2000. Kod itu telah disemak semula sebanyak dua kali pada 2007 dan 2012 bagi memastikan prinsip-prinsip dan cadangannya adalah sejajar dengan amalan perniagaan dan perkembangan pasaran.

Menyedari keperluan untuk meningkatkan amalan tadbir urus korporat secara tetap, MCCG 2016 menerima pakai pendekatan yang berbeza daripada Kod sebelum ini. Pendekatan baru ini bertujuan menggalakkan kemajuan dan memberi penekanan kepada tingkah laku dan hasil daripada amalan tadbir urus korporat.

MCCG 2016 membahagikan amalan tadbir urus korporat kepada dua kategori iaitu Core dan Core+. Syarikat-syarikat dikehendaki menzahirkan pematuhan mereka terhadap amalan Core secara ‘mengguna pakai atau menjelaskan alternatif’, yang menggalakkan proses pemikiran yang lebih mendalam ketika melaksanakan amalan itu dan dalam penzahiran yang dibuat.

Walaupun amalan Core+ adalah secara sukarela, syarikat-syarikat amat digalakkan untuk menerima pakai amalan tersebut dan menzahirkan dalam laporan tahunan cara amalan-amalan ini dijalankan atau dilaksanakan.

Pihak yang berminat dan orang ramai dijemput untuk mengemukakan komen dan maklum balas mereka dalam talian di www.sc.com.my/mccg2016 sebelum tarikh tutup pada 8 Jun 2016. Sila hubungi feedbackcg@seccom.com.my sekiranya anda mempunyai sebarang pertanyaan berhubung kertas rundingan ini.

[Sumber: Siaran media di laman web SC pada 18 April 2016]

PANDANGAN RINGKAS MSWG MENGENAI TRANSAKSI KORPORAT SEMASA

KIAN JOO CAN FACTORY BERHAD (“KIAN JOO”)

Lembaga Pengarah Kian Joo mengumumkan Kian Joo dan Aspire telah saling bersetuju untuk menamatkan perjanjian penjualan perniagaan (BSA) dan perjanjian sampingannya.

Kian Joo telah menggunakan khidmat Aspire untuk mendapatkan harga yang lebih baik bagi Cadangan Penjualan memandangkan prestasi Kumpulan Kian Joo yang bertambah baik dalam tempoh dua tahun kewangan yang lalu. Walau bagaimanapun, Kian Joo dan Aspire tidak dapat mencapai persetujuan mengenai harga. Syarat-syarat terdahulu dalam BSA tidak dipenuhi sepenuhnya kerana Kian Joo telah mengambil masa lebih dari satu tahun untuk menyelesaikan saman yang dikenakan oleh bekas Pengarah berhubung dengan BSA dan sejak itu, penilaian Syarikat sudah berbeza daripada penilaian yang dibuat pada Mac 2014.

Penamatan BSA dan perjanjian sampingannya tidak mendatangkan sebarang kesan ke atas pendapatan sesaham dan aset bersih sesaham Kumpulan Kian Joo.

[Sumber: Pengumuman Kian Joo di laman web Bursa Malaysia pada 15 April 2016]

KOMEN MSWG:

Kami percaya penamatan Cadangan Penjualan tidak akan memberi sebarang kesan kepada Kian Joo dan prestasi kewangan Kumpulan telah meningkat sejak dua tahun yang lalu.

Pasaran nampaknya bertindak balas secara positif terhadap pengumuman tersebut. Ia terbukti apabila harga saham Kian Joo melonjak naik hampir 4.5% selepas penamatan Cadangan Penjualan. Ini menunjukkan pelabur tidak bersetuju dengan Cadangan Penjualan kerana harga tawaran tidak menunjukkan nilai sebenar Kian Joo. Kian Joo tidak membayar dividen sejak pengumuman Cadangan Pelupusan sehingga pengumuman pembayaran dividen 2 sen baru-baru ini, bagi tahun kewangan berakhir 2015.

CIMB GROUP HOLDINGS BERHAD (“CIMB”)

Pada Mesyuarat Agung Tahunan ke-59 CIMB Group Holdings Berhad, Dato’ Sri Nazir Razak mengumumkan beliau akan mengambil cuti secara sukarela daripada jawatannya sebagai Pengurus CIMB dan Pengarah CIMB Bank, berkuat kuasa dari penutup hari urus niaga pada 18 April 2016 sehingga selesai semakan yang sedang dijalankan oleh Lembaga mengenai aktiviti perbankan yang berkaitan dengan akaun peribadinya, pertama kali dilaporkan oleh Wall Street Journal pada 31 Mac 2016.

Semakan oleh Lembaga telah bermula pada 5 April 2016 dan ia dijangka siap dalam masa beberapa minggu lagi. Lembaga Pengarah juga telah melantik sebuah firma audit luar iaitu Ernst & Young untuk membantu semakan.

[Sumber: Pengumuman CIMB di laman web Bursa Malaysia pada 18 April 2016]

KOMEN MSWG:

Kami mengalu-alukan langkah yang diambil oleh Dato’ Sri Nazir iaitu mengambil cuti secara sukarela daripada jawatan beliau sebagai Pengurus CIMB dan Pengarah CIMB Bank sementara siasatan sedang dijalankan.

Penganalisa MSWG

Lya Rahman, Pengurus Besar, Khidmat Korporat, lyarahman@mswg.org.my

Rebecca Yap, Ketua, Pemantauan Korporat rebecca.yap@mswg.org.my

Quah Ban Aik, Ketua, Pemantauan Korporat banaik.quah@mswg.org.my

Norhisam Sidek, Pengurus, Pemantauan Korporat norhisam@mswg.org.my
Lee Chee Meng, Pengurus, Pemantauan Korporat cheemeng@mswg.org.my
Wong Kin Wing, Pengurus, Pemantauan Korporat, kinwing@mswg.org.my
Hoo Ley Beng, Pengurus, Pemantauan Korporat linnert.hoo@mswg.org.my
Nor Khalidah Khalil, Penganalisa, Pemantauan Korporat khalidah@mswg.org.my
Vinodth Ramasamy, Penganalisa, Pemantauan Korporat vinodth.ram@mswg.org.my

PENZAHIRAN KEPENTINGAN

- *Sehubungan dengan syarikat-syarikat yang dinyatakan, MSWG memegang jumlah saham yang minima di dalam syarikat-syarikat yang dinyatakan di dalam surat berita ini.*
-

Maklumbalas

Kami mengalu-alukan maklumbalas anda mengenai surat berita dan khidmat kami. Sila e-mel komen dan cadangan anda ke mswg.ceo@mswg.org.my.

PENOLAKAN TUNTUTAN

Surat berita ini dan isi kandungannya berserta semua hak-hak berkaitan dengannya termasuk hak cipta dimiliki oleh Badan Pengawas Pemegang Saham Minoriti Berhad, juga dikenali sebagai Minority Shareholder Watchdog Group (MSWG).

Isi kandungan dan pendapat yang dinyatakan di dalam surat berita ini adalah berdasarkan maklumat yang diperoleh daripada domain awam dan bertujuan untuk memberikan maklumat umum kepada pengguna dan adalah untuk rujukan sahaja. Usaha terbaik telah dilakukan untuk memastikan maklumat yang terkandung di dalam surat berita ini adalah tepat dan terkini pada tarikh penerbitan. Walaubagaimanapun, MSWG tidak membuat sebarang waranti nyata atau tersirat atas ketepatan atau kelengkapan maklumat dan pendapat yang terkandung di dalam surat berita ini. Tiada maklumat di dalam surat berita ini yang bertujuan atau patut dianggap sebagai syor untuk membeli atau menjual atau jemputan untuk melanggar sekuriti tertentu, pelaburan yang berkaitan atau mana-mana instrumen kewangan.

MSWG perlu diberikan perakuan bagi mana-mana bahagian surat berita ini yang diterbitkan semula.

MSWG tidak akan bertanggungjawab atau menanggung sebarang liabiliti atas kebergantungan kepada sebarang maklumat atau komen yang terkandung di dalam surat berita ini atau jika ianya diterbitkan semula oleh pihak ketiga. Semua pembaca atau pelabur dinasihatkan supaya mendapatkan nasihat perundangan atau nasihat profesional yang lain sebelum mengambil sebarang tindakan berdasarkan surat berita ini.